

den. die<sup>3</sup> ansehent oder hoerent<sup>4</sup> lesen. vnd veriehent offentlich; Das wir egenant vier / Herren gemainlich, ain gelärten ayd. mit vfgbotten vingern. zuo<sup>2</sup> den hailigen gesworn habent, Daz wir ainander vesteklich / vnd getrűwlichen geholfen. vnd geravten<sup>5</sup> soellent<sup>4</sup> sin, mit lib. vnd mit guot<sup>2</sup>, mit vnsern<sup>6</sup> vestinan. Schlossen Landen / vnd lűten, vnd sunderlich mit aller vnser<sup>6</sup> macht, wider dis nachbenempten herren, wider Graf Albrechten von werdenberg / herr ze Bludencz Graf Albrechten von werdenberg. herr ze dem hailigen Berg, vnd Graf Ruodolfen<sup>2</sup> vnd Graf hugen / gebruedern<sup>7</sup> von werdenberg herren ze Rinegg, vnd sond ouch das vesteklich vnd getrűwlichen gen ainander halten. bi / den aiden, die wir darumb gesworn habent, mit soelicher<sup>4</sup> beschaidenhait. vnd in der wise vntz vns<sup>6</sup> obgenanten allen vieran herren / ain gelichs vnd ain recht<sup>8</sup> gelangot ist. von den egenanten herren von werdenberg. als si hie obgeschriben vnd genemet sind, / Waer<sup>1</sup> ouch das dehain richtung oder taeding<sup>1</sup> an vns<sup>6</sup> vier herren ainen gesuocht<sup>2</sup>, oder bracht wurd, der selb herr sol / dehain richtung noch taeding<sup>1</sup>, nit vf nemmen. ovn<sup>9</sup> der dryer willen. wissend vnd ravt<sup>5</sup>, vnd sol ouch daz tuon<sup>2</sup>. bi dem aid / so er gesworn hett, Vnd waer<sup>1</sup> ouch das ainer vnder vns<sup>6</sup> vier herren, also mit willen. gunst vnd ravt<sup>5</sup>. der andern / dryer herren. mit den vorgenanten herren von werdenberg. verricht. vnd veraint wurd, so sol doch der selb. der verricht ist, vns<sup>6</sup> / den andern dryen herren. dester minder nit beholfen vnd geravten<sup>5</sup> sin. vntz vns<sup>6</sup> ouch ain gelichs. vnd ain recht, von den / selben herren von werdenberg. gelanget. vnd wideruaren ist, ze gelicher wyse. ist es ouch ze merkent. ob vnder vns<sup>6</sup> / egenanten vier herren. zwen, oder dry. mit den obgedachten herren von werdenberg. verricht vnd inain brächt wurdent, / die sovllent<sup>9</sup> dannocht. denen. oder dem. der. oder die dennocht vnderricht sind. vesteklich vnd getrűwlich beholfen / vnd geravten<sup>5</sup> sin, vntz inen ouch ain gelichs. vnd ain recht wideruaren ist, vnd soellent<sup>4</sup> ouch also anander vestklich / vnd getrűwlich beholfen vnd geravten<sup>5</sup> sin, in der wise. als hie vor ist geschriben, die wil. vnd wir in lebend sind, / vnd sond ouch daz alwegent vnuerzogenlich tuon<sup>2</sup>, wa, wenn, vnd wie dik, wir des von ainander ermant werdent / bi den aiden, die wir darumb zuo<sup>2</sup> gott, vnd zuo<sup>2</sup> den hailigen gesworn habent, Vnd darumb das dis alles. vnd / ieglichs besunder. wār. vest. vnd